

GAREZIA

Khe Por Garesiain Ndi Khergi Gap

Khe fharav ganinga buni

khare.

Fharav guigira Zisas kothigap ana zin vui ntiri khare, Zudain ma. Ore, zungum Zisas Por ga sarigim, ana vov, mba harigi fhain nguir vegap, ana vhira Zisas Krai buna vhuuen bun vhira mbe suangi. Por vov, mbe nzuaim, mba harigi fhain ngui gumgi, mbe zav guigira Zisas kothigap ana zin vui ntiri vhen verim, simtik higi. Mba harigi fhain ngui gumgi, mbe fhum, mbe Zudain mbui tiva mbuav Moses suangi tivi zin vui fhuvara. Mbe mba tugar, Zisas kothigap ana zin panan ruagiap, mbe vhira Moses suangi tivi zin ngirga o, fhuvara?

Mbe gumgi mbari, mbe khan mbe nzuai, mbe Zudain mbui tiva zin ngip, mbe vhira warir foongiri. Mbe warir foongip, mbe vhira Moses suangi tivi zin ngiri. Mbe maan nzuaim, Por khan nzuai, "Fhuvara." Por maan suangiap khan nzuai, "Nza Zisas Krai kothigap, ana zin vuav, nza za Fhe Bakime niman, nza tivir vhuuian mbui gumgi gu mbigi kav, nza zazera mbara muungia ki binbin kama ndigi."

Mbe Zudain mbari, mbe vov, Garesia ngu bakime fhain vegap, mbe mba Zisas kothigap ana zin vui gumgi gu mbigi, mbe Moses suangi tivi zin ngir zav mbe nzuai. Mbe maan mbe mbuim, Por mba kamej mbararagiap, ana mbara

kha gava khergiap, mbe Garesiaiaŋ ana anan mbe ndi mbai. Ana mbe Zisas kothigi ndikndigi, ana taagip nta ndi tuavara maanv, mben tivi ndi thigar maan zav kha gava khergiap, mbe ndi mbai.

Por mba gava kherav, ana fharav khaŋ nzuai, “Fhe Bakime nduara ana farasarigim, ana anan ŋaara guma ki. Ana won vuzvuga zin vui fhu, ana vhira harigi guma the nzuai kameŋ zin vui. Fhuvara. Fhe Bakime nduara ana kamgiap, kha ŋaarar ana niŋgiap, ana sarigim, ana vov, Fhe Bakime buna vhuueŋ bun ana kaŋgi fhuv gumgi gu mbigi ga nzuai.” Por nen mbe suanjiap, ana zungum khaŋ nzuai, “Mba guigira Krai Zisas kothigap ana zin vui gumgi gu mbigira, mbe Fhe Bakime niman tivi vhuuiaŋ mbui gumgi gu mbigi ma.” Ana nen mbe suanjiap, ana mpuur kameŋ, ana mba gavar khaŋ nzuai, “Nza Krai kothigim, Krai nza muunjiap, nza wom ndikndigi vhirve ga mbui fhu, nza bikbigi. Nza bikbigim, Fhe Bakimen Ninan Naar nzan kurkurigim, nza ruav, nza tivir vhuuin harigi gumgi gu mbigi ga mbui.”

Fhe Bakime nduara Por farasarigim, ana anan ŋaara guma ki.

¹ Gu Zisas farasarigi ŋaara guma Por. Gu guma the kha ŋaara nzuav na farasarigi fhuvara. Gu vhira gumgi na sarigim, gu zigi fhuvara. Zakira fhuvara! Gu Fhe Bakime gu Zisas Krai, gu manin farve tin kha ŋaara ndigi. Nzan Ndia Fhe Bakime, ana Krai ringim, ana taagia ana khavgi.

² Na phorgap guigira Zisas Krai kothigap ana zin vui gumgi, gu mben kov, nza kha gava khergiap, nde mba Garesia ngu bakime fhain kav guigira Zisas Krai kothivav, ana zin vui gumgi gu mbigi, nza anan nde ndi mbai.

³ Nzan Ndia Fhe Bakime gum nza Bakime Zisas Krai, mani nde korar muunv, ndava migitar nden niirim, nde kiri.

⁴ Krai, ana nzan Ndia Fhe Bakime vuzvuga zin vov, ana won tuma fekhingiap, nza fhum muunji tivi mbatigi, ana nta vhezgi. Ana ne muunjim, ntige kha tugar kha nuianan ki tivi mbatigi, ana nza ndigim, nza mba tivi mbatigi thagi.

⁵ Maanj muunjiap, nza zazera Fhe Bakime zin ndi vun kuamkuarga. Ne guigi guarara.

Kha buna vhuun buenra ki.

⁶ Nde kha tiva mbuim, gu nde mbararagiap, nan ndavar vhee ngava mbatiga muunji. Krai nden kora muunjiap, kha nara muunji. Fhe Bakime, ana won gumgi gu mbigi kir zav nden kamgi. Nde thav vhemkora hegap, ana thav, nde harigi khesharigi buna vhuuej, nde ne zin vegi.

⁷ Harigi khesharigi buna vhuun thuej ki fhuvara. Zakira fhuvara! Gumgi mbari, mbe fhura nde ndikndigi ngav, fhura shikshigap, Kraisan buna vhuuej, mbe ne domdora suav, ne nzuai.

⁸ Maanj muunjiap, nza nduarira mba buna vhuuej bun nde suanga o, Fhe Bakime enser the mba buna vhuuej bun nde suanga, mba buna vhuuej

ne nza fhum nde suanji buna vhuuenj fara muunji fhu, maan mbui guma, ana mbar Herar nji.

⁹ Nza fhum mba kamen nde suanji, nza ntigem mba kamenra wom nde nzuai. Maan muunji, guma the buna vhuuen nde suanga, mba buna vhuuenj nza fhum nde suanji buna vhuuenj fara muunji fhu, mba guma mbar Herar nji.

¹⁰ Nde ram mbui ndikndiga mbui? Gu ntige nde nzuai kamen, gu gumgi ndikndiga vhuun nan muun zav gu nzuai o, Fhe Bakime ndikndiga vhuun nan muun zav gu nzuai, ee, gu fhura kha gumgi raan shav nzuair? Nde mbarara! Gu fhura gumgi raan shirga, gu Kraisan njaara guma fhuvara.

Por Zisas ana farasarigim, ana anan njaara guma higi ne nenji buni khare.

¹¹ Nde na phorgap guigira Zisas kothigap ana zin vui gumgi gu mbigi, gu guigira nde nzuai. Gu mba fhum nde suanji buna vhuuenj, ne guma the ndi kira tigi buna vhuuenj fhuvara.

¹² Gu guma then han mba buna vhuuenj ndigi fhuvara. Guma the vhira mba buna vhuuen na khivigi fhuvara. Zakira fhuvara! Zisas Kraisa, ana nduara mba buna vhuuen na khivigi.

¹³ Nde gu fhum muunji bigi, nde ntan kamen mbararagi. Gu guigira kha tiga havhargiap Zudain kothigi tiva zin vui guma ma. Gu nta zin vov, gu tiva mbatigar Fhe Bakime zin panan ruagiap,

1:9 Lo 4.2; Snd 30.6; VB 22.18-19 **1:10** 1 Te 2.4; Ze 4.4; 1 Zo 3.19
1:11 Mt 16.17; 1 Ko 15.1 **1:12** 1 Ko 15.1-3; Ga 1.1; Ef 3.3 **1:13**
 FG 8.3; 9.1; 22.3-5; 26.9-11; Fi 3.6; 1 T 1.13

ana zin vui gumgi gu mbigi, gu mben farfagi. Gu mben kora mbui fhu. Gu za mbe vhezzi za mbui.

¹⁴ Gu guigira khañ tiga havhargiap Zudain khotigi tivi zin vov, zi bakime ndir za mbui guma ma. Gu mba tiva mbuav, gu wo phorga vhuungi Zudain gumgir nkaa vhirve, gu mbui tivi, nta guigira mbe mbui tivi kambarigi. Gu guigira won nzigi tivi zin vui guma ma.

¹⁵⁻¹⁶ Gu maan mbui, gu fhum na niamuun nan tegi fhuvara, ana zungum na tirga, Fhe Bakime fhum na kora muungiap na farasarav, ana won kaman na khivirgen vuzvugi. Gu anan naarar muunv, ana muungi bigina vhuueñ bun harigi fhain nguir ki gumgi gu mbigi ga suanga. Fhe Bakime mba tivar na muungim, gu vov, mba bigi ga nzuav harigi gumgir nzañgi fhuvara.

¹⁷ Gu Zisas fharav farasarigi 12 thigi naara gumgi, gu mbe gani zav Zerusareman ndagi fhuvara. Zakira fhuvara! Gu vov, Arebia ngu bakime fhain ki. Gu maan kegap, zungum taagia vov Damaskusan vugi.

¹⁸ Gu kav kim, mpari mpuveni khegntirive vhezgim, gu Pita phorgiv suan zav Zerusareman ndagi. Gu ndav, 15 rarir, gu ana phorga kegi.

¹⁹ Gu ana phorga kav, gu Zisas farasarigi 12 thigi naara guma the phorgap gangi fhu. Gu guma mbe gangi, ana nza Bakimen nguk ma. Ana zi Zems, gu ara gangi.

²⁰ Gu ntige khar khergiap nde ndi mbai buni, gu guigi guarara Fhe Bakime rimani niman nde

1:15-16 Ais 49.1; Jer 1.5; 49.1; FG 9.15; Ro 1.1 **1:15-16** FG 9.3-6;
 22.6-10; 26.13-18 **1:15-16** Ro 11.13; 2 Ko 4.6; Ga 2.7 **1:18** Zo
 1.42; FG 9.26-30 **1:19** Mt 13.55

nzuai, gu nde guiguigi fhuvara.

²¹ Gu zungum vov, Siria ngu bakime fhain ga ruav, vov, Sirisia ngu bakime fhain ga ruigi.

²² Mba Zudia ngu bakime fhain guigira Krai khotigav ana zin vui gumgi gu mbigi, mbe na khoma gangi fhuvara.

²³ Mbe fhum nan kamen mbararagim, mbe khan nzuai “Mba guma, ana fharav nza guigira Krai khotigav ana zin vui gumgi gu mbigi, ana nza shogim, nza vhazi. Ana ntigem guigira Krai khotigap ana zin vui buna vhuuen, ana ne bun nzuai. Ana fhum guigira mba buna vhuuen khotigi ntiri, ana mben farfagi.”

²⁴ Mbe maan nzuav, Fhe Bakime na muungi bigi, mbe nta mbararagiap, mbe ne nzuav, Fhe Bakime zi ndiv vun kuamkuagi.

2

Zisas Krai farasarigi 12 thigi naara gumgi, mbe Por phorgap ndava bavira ki.

¹ Gu kim, 14 mpari vhezgim, gu Barnabasan kov, taagiap Zerusalem ndagi. Gu vhora Taitus ndigim, ana nka phorgap ndagi.

² Fhe Bakime nduara na suangim, gu ndav Zerusalem kav, gu maam guigira Zisas khotigap ana zin vui gumgi gu mbigi gari gumgi panira garav, gu mbera phorga nzuai. Gu mbe phorga nzuav, gu mba harigi fhain ngui gumgi phorga suangi buna vhuuenra, gu nera mbe nzuai. Gu khuen ndikndigap, gu muunv kirim, gu khar

mbui njaar gum gu fhum muunġi njaari, nta fhura mbar nġigirivgi.

³⁻⁵ Khuenġ guġi guarara, nza phorgap guġira Zisas Kraiſ khotġap ana zin vui nen wari ga ſhiſhiġi ntiri, mbe wari vhagiap, zav, nza phogar zegi. Mbe zegap, wari vhagiap, mba Kraiſ Zisas nza niġi tiv, mba tiv nza Moses suanġi tivi zin vuim, nta nza keġi tiva fhirġiap, nza muunġim, nza fhirġia daav bikbiġi. Mbe mba tiva ganiv, mba buni mbarara zav wari zorga zegi. Mba gumġi, mbe taagip nzan muunrim, nza fhura Zudain tivir njaara gumġi kir za mbui. Taitus, ana na phorga ki, ana Griġ guma ma. Gu mbe phorga ki, mbe Taitusan foon zav nzuai, gu nen mbe khirġi fhuvara. Nza mbe nzuai buni piin ki fhuvara. Mba Zerusarem siosa gari gumġir pani, mbe vġira Taitusan foon zav nġa nzuai fhuvara. Nza khuenġ vuzvugi, Fhe Bakime buna vhuuenġ, ne buna guarenġ ma, ne domdora sui, ne nzerġi fhuvara. Ne mbara muunġip kirim, nde ne zin nġiri.

⁶ Gumġi mbari, mbe Zisas khotġap ana zin vui gumġi gu mbġi gari gumġir pani ki. Na ndikndiġar, mbe ziri bakivi ki o, fhu, ne fhura ki ne ma. Fhe Bakime gumġi ziri ga ndikndiġi fhuvara. Mba ziri ki gumġi, mbe buni tharir na buni ga phevav nzuai fhu.

⁷ Zakira fhuvara! Mbe na garim, gu Fhe Bakime kha njaarar na niġim, gu harġi fhainġ gumġi gu mbġi, gu Fhe Bakime buna vhuuenġ bun mbe

2:3-5 FG 15.1; 15.24; 16.3; 2 Ko 11.20; 11.26; Ga 1.7; 5.1; 5.13 **2:3-5**
 Ga 3.1; 4.16 **2:6** Lo 10.17; FG 10.34; Ro 2.11; 2 Ko 12.11; Ga 6.3
2:7 FG 22.21

nzuai. Ana mba njaarara Pita ga niingim, ana Fhe Bakime buna vhuueŋ bun Zudaiŋ ga nzuai.

⁸ Ahaŋ, Fhe Bakime nkasŋkar Pita ga niingim, ana anan njaara guma kav, ana Zudaiŋ riŋar anan buna vhuueŋ bun Zudaiŋ ga nzuai. Gu vhiira mba tivara muuŋgi. Fhe Bakime, ana nduara nkasŋkar na niingim, gu mba harigi fhainŋ ŋgui gumgi gu mbigi riŋar kav, ana buna vhuueŋ bun nzuai.

⁹ Mba gumgi gu mbigi, mbe Zems, gu Pita, Zon, mbe mbe garim, mbe Zisas khotiŋap ana zin vui gumgi gu mbigi gari gumgir pani ki. Mba gumgi, mbe khueŋ kaŋgi, Fhe Bakime nan kora muuŋgiap, ana kha njaarar na niingim, mbe mbaram, nka Barnabas gum nkan haranin suirav, nka ndigim, nka guigira mbe phorga ngari gumani ki. Mbe nka ndigav, nza wari tiŋap ndava bavira kav, wari tiŋap kama shogiap, khaŋ nzuai, “Nka harigi fhainŋ ŋgui gumgi gu mbigi riŋar kiv, mbe phorgiŋ ngariŋa. Mbe nduarira Zudaiŋ riŋar kiv, mbe phorgiŋ ngariŋa.”

¹⁰ Mbe buna buenra nka suaŋgi. Mbe khaŋ nka suaŋgi. Mbe khueŋ vuzvugi, nka guigira Zisas khotiŋap ana zin vov bigi sosuagi gumgi gu mbigi, nka mben kurkurarga. Gu fhum mba khesharigi njaarar muungeŋ vuzvugi. Gu maan muuŋgiap khaŋ tiŋa havhargiap mba njaara mbui.

Por Pita muuŋgi simtiŋeŋ bun nzuai.

¹¹ Pita zumgum zav Antiok ŋgu bakimen zigim, gu ana khomara garav ana vhegi. Ana tiŋa mbatiŋeŋ muuŋgi.

¹² Ana khaŋ muuŋgi. Mba Zisas khotiŋap ana

zin vui Zudain gumgi mbari, mbe Zems han kegap, zergi fhuvara. Mbe mbur kim, Pita harigi fhain ngui gumgi, mbe guigira Zisas kothigap ana zin vui, ana mbe phorga pav ki. Ana mbe phorga pav kim, mba guigira Zisas kothigap ana zin vui Zudain, mbe Zems han kegap, zav hegim, Pita mben rivgi. Mbe khan tiga havhargiap fooi tiva zin vui ntiri ma. Ana maan muungiap, mba harigi fhain ngui gumgi thav, samra kav, ana wom khurkhuman mbe khuui fhu.

¹³ Mba Zisas kothigap ana zin vui Zudain mbari, mbe vhira ana phorgap, mbe mba guiguiga muungi. Mbe maan muungim, zumgum mbe ndikndik, ana vhira Barnabas ngirgi.

¹⁴ Gu mbe garim, mbe Fhe Bakime buna vhuun guarenra zin vui fhu. Gu maan muungiap Pita khomara garav khan ana nzuai, “Ndu Zuda guma mbe ma. Ndu harigi fhain ngui gumgi mbui tivi zin vuav, ndu Zudain mbui tivi zin vui fhuvara. Ndu maan mbuav, ndu than nzuav Zudain tiva zin ngir zav, khan tigav harigi fhain ngui gumgi ga nzuai?”

Mba guigira Zisas Krai kothigap ana zin vui gumgi gu mbigira, mbe Fhe Bakime rimanin, mbe tivir vhuuian mbui gumgi gu mbigi ma.

Guma, ana guigira Zisas kothigap ana zin vui, ana tivir vhuuian mbui guma ma.

¹⁵ Gu maan Pita ga suangiap, khan nzuai, “Nza Zudain, nza guigira, nza Zudain gumgi ma. Nza

harigi n̄guir kega zegi fhuvara. Mba harigi fhain n̄gui, nza khan mbe nzuai, mbe tivi mbatigi ga mbui nt̄iri ma.

¹⁶ Nza kan̄gi, Fhe Bakime, ana Moses suan̄gi tivira zin vui gumgi gu mbigi, ana ne ndikndigap, tivir vhuuian̄ mbui gumgi gu mbigir mben kaai fhuvara. Zakira fhuvara! Guma, ana guigira Krai Zisas kothigim, Fhe Bakime mba guma, ana tivir vhuuian̄ mbui guman mba guman kaai. Nza vhira, nza guigira Krai Zisas kothigap, nza vhira khuen̄ kan̄gi, mba tuav Fhe Bakime tivir vhuuian̄ mbui gumgir nzan kaai. Ana nza Moses suan̄gi tivi zin vui ne nzuav fhuvara. Ne khan̄ muunḡgi, guma the tuituigip Moses suan̄gi tivi, ana nta zin ngirim, Fhe Bakime tivir vhuuian̄ mbui guman ana kamgire? Fhuvara.

¹⁷ Nza Krai kothigi tuava zin vov gari, nza Fhe Bakime niman, nza tivir vhuuian̄ mbui gumgi gu mbigi ki. Nza maan̄ mbuav garim, nza Zudain̄, nza vhira Moses suan̄gi tivi zin vui fhu Zudain̄, mbe khan̄ nzuai, “Nde vhira tivi mbatigi ga mbui gumgi ma. Nza maan̄ mbuav, nza khuen̄ ndikndigi thi? Krai, ana nduara tivi mbatigi havharirgen̄ vuzvugi thi?” Zakira fhuvara! Nza maan̄ suanga fhu.

¹⁸ Gu maan̄ muunḡip Moses suan̄gi tivi, gu ntan piin ki tiva vhezgip, gu wom mba tivi piin kirga, gu

nduara tìvi mbatìgi ga mbui guma ma. ^a

¹⁹ Gu Moses suanji tìvi zìn vui tuav thav, gu nta nìman, gu rimgi guma fara muunjiap ki. Gu ntige maan muunjiap Fhe Bakime vuzvuga piin ki.

²⁰ Gu maan muunjiap Krai phorgap, khararen ga ntorgap rimgi fara muunjiap ki. Gu ana phorgap rimgiap, biin kama ndigi. Gu mba ndigi biin, ana nan biin fhuvara. Zakira fhuvara! Krai, ana nan vhen kav, ana mba biin na niinji. Maan muunjiap, gu ntige kha nuianan mbui tìvi gum nan naari, nta gu Krai kothigap ana zìn vuav mbui bigi ma. Gu guigira Fhe Bakime Kama kothigi, ana guigira won ndavar na niinjiap, ana won tuma fekingiap, nan kurigi.

²¹ Gu mba Fhe Bakime na kora muunji ne, gu ne ndikndigi, ne fhura ki bigen fhuvara. Maan muunjiap Moses suanji tìvi, nta nzan muunjiap, nza Fhe Bakime nìman tìvir vhuian mbui gumgi kirga, Krai ana fhura shishigap rimgi.

3

Moses suanji tìvi gum Krai kothigi tip.

^a **2:18** Por buni khan tuituigiap kirar hìgi fhuvara. Ana buni khan mbui gangana muunji, ana khan suan za mbui. Guma ana guigira Zisas kothigap, ana Fhe Bakime zìn panan ruagi, ana wom Zudain tìvir piin ki fhuvara. Mbe Fhe Bakime zìn panan ruagi gumgi mbari, mbe nduarira wari wo vuzvugira khan tigi havhargip mba tìvi zìn ngirga. Mbe vira mba Moses suanji tìvi piin ki gumgi farar muunjiap tìvi mbatìgi ga mbui gumgi ki. Rom 7.4-6 gani. **2:19** Ro 6.11; 6.14; 7.6; 2 Ko 5.15; 1 Te 5.10; Hi 9.14 **2:20** Zo 13.1; Ro 6.11; Ga 1.4; Ef 5.2; Ta 2.14; 1 Pi 4.2 **2:21** Ga 3.21; Hi 7.11

¹ Nde Garesia gumgi, nde njanjangi gumgi ma. Nza Zisas Kraisan nde khivigi. Nde wari won rimgira ana garim, ana khanararej ga ntorgi fara muungi. The ntigem nden ndikndigi ngirgi?

² Gu bigin buenra nzuav nden nzan za mbui. Nde maangi tuav guarara nde Fhe Bakimen Njina Njara ndigi? Nde Moses suangi tivi zin vui ne nzuav o, nde Fhe Bakimen buna vhuuej mbararagiap, nde guigira Krai kothivi ne nzuave?

³ Thagin nde muungim, nde njanjangi? Nde fharav Fhe Bakimen Njina Njara njaska zi ruav kav, nde ntigem wari won njaskara mba ruru vhihi za mbuire?

⁴ Nde mba fhum nden hi bigir vhuuin, nta fhura hi bigi thi? Nde ram mbui ndikndigar nta mbui? Nde kha ndikndiga mbui thi, nta niien kav hi bigi? a

⁵ Fhe Bakime won Njina Njarar nde niingim, ana nde phorga kim, nde mirikori ga mbui. Ana than nzuav mba tivar nde mbui, ee, nde Moses suangi tivi zin vui ne nzuav ana maan nde mbui o, nde Fhe Bakime buna vhuuej mbararagiap, guigira ne kothigi ne nzuav ana maan nde mbui?

⁶ Abraham mbara muungi. Fhe Bakime buni vhuuin ki gap khan nzuai, "Abraham ana guigira Fhe Bakime suangi kamen kothigim, Fhe Bakime tivir vhuuan mbui guman anan kaai."

3:1 Ga 2.13-14; 5.7 **3:2** FG 10.47; 15.8; Ro 10.16-17; Hi 6.4 **3:3** Ga 4.9; Hi 7.16; 9.10 **3:4** Hi 10.35-36; 2 Zo 1.8 a **3:4** Bigi kanji gumgir vhirve mba vezen kherav khan nzuai, "Fhe Bakime Njina Njar muungi bigir vhuuin nde rigar higim, nde nta ndikndik nangi thi? Gu ndikndigi, nde nta ndikndik nangi fhuvara." **3:6** Stt 15.6; Ro 4.3; Ze 2.23

⁷ Maan muunjiap, nde khuen kanjiri, mba Fhe Bakime buna vhuuen kothigap, ne zin vui gumgi, mbe guigira Abrahaman tari ma.

⁸ Fhe Bakime fhum khuen kanji, mba harigi fhain ngui gumgi, mbe vhira Fhe Bakime buni vhuuin kothivirga, ana tivar vhuuiaj mbui gumgir mben kaminga. Maan muunjiap, Fhe Bakime fhum guarira mba buna vhuuen Abrahamama suanji. Maan muunjiap, Fhe Bakime buni vhuuin ki gava vhen ki buni vhuuin khan nzuai, “Gu ndun panan, gu tivar vhuun za kha gumgi gu mbigir muunga.”

⁹ Abraham, ana Fhe Bakime kothigim, ana tivar vhuun ana muunji. Ntige, mba tivara, Fhe Bakime kothivi gumgi gu mbigi, ana tivar vhuunra mben muunga.

¹⁰ Mba khuen ndikndigi gumgi gu mbigi, mbe Moses suanji tivi zin vui, mbe Fhe Bakime niman tivir vhuuiaj mbui gumgi gu mbigi ma. Mba ndikndiga mbui gumgi gu mbigi, Fhe Bakime khan mbe suanji, “Gu mben farfagirga.” Ne khan muunji, Fhe Bakime buni vhuuin ki gap khan nzuai, “Guma za Moses suanji tivi ki gavar ki tivi, ana za nta zin vui fhu, Fhe Bakime khan suanji, ‘Gu anan farfagirga.’ ”

¹¹ Nza khuen kanji, Fhe Bakime niman Moses suanji tivi zin vui ne nzuav, Fhe Bakime tivir vhuuiaj mbui gumgir mben kaai fhuvara. Fhe Bakime buni vhuuin ki gap khan nzuai, “Mba guigira Fhe Bakime buni vhuuin kothigi gumgi gu

3:7 Zo 8.39; Ro 4.11-12; 4.16 **3:8** Stt 12.3; 18.18; 22.18; FG 3.5; 3.25; Ro 9.17 **3:9** Ro 4.16 **3:10** Lo 27.26; Jer 11.3 **3:11** Hab 2.4; Ro 1.17; Ga 2.16; Hi 10.38

mbigi, Fhe Bakime tivir vhuuian mbui gumgi gu mbigir mben kaminga. Mbe vhira zazera mbara muungip ki biinbiin ndigip kirga.”

¹² Moses suangi tivi zin vui ne, ne guigira Fhe Bakime kothigi tiva zin vui fhuvara. Mba tiv, ana wo hiavra ki. Ne khan muungi, Fhe Bakime buni vhuuin ki gap khan nzuai, “Guma za Moses suangi tivi zin ngirga, mba guma, ana zazera za mba tivi zin ngirga.”

¹³ Moses suangi tivi khan nzuai, nza za mba tivi zin vui fhu, nza mbatigirga. Fhe Bakime maan nzan muungen thav, nzan kurkurar zav, Kraiskha zi ndigi. Mba zi khare, “Mbarigirga guma.” Ana mba zi ndigap, ana taagia nza ndigi. Fhe Bakime buni vhuuin ki gap khan nzuai, “Khanararen ga tui gumgi, Fhe Bakime mbe garim, mbe za mbatigirga.”

¹⁴ Fhe Bakime ngirkaman vhuun Abrahama muungiap, khan nzuai, ana tivar vhuun za kha harigi fhain ki gumgi gu mbigir muunga. Ana mba Ziskas Kraisk muungi naara panan, ana taagia nza ndigap, ana ngirkama vhuun za kha harigi fhain ki gumgi gu mbigi ga muungi. Ana maan muungim, nza guigira Fhe Bakime kothiviv, nza anan Nina Naara ndigirga. Fhe Bakime fhum mba kamen suangim, ne ki.

Fhe Bakime suangi tivi, nta Fhe Bakime nza suangi buni vhezgirga tukigi fhuvara.

¹⁵ Nde guigira Ziskas kothigap ana zin vui gumgi gu mbigi, gu ntigem za gumgi wari won tivi, ga

3:12 Wkp 18.5; Neh 9.29; Ro 4.4; 10.5; 11.6 **3:13** Lo 21.23; Ro 8.3; 2 Ko 5.21; Ga 4.5 **3:14** Ese 11.19; Jol 2.28-29; Sek 12.10; FG 2.33

suan zav mbui. Nza maan muungip, nzan guma phunini, mani maan muungip, wani tigip kama shogip, buna thuen suangirga. Mani mba suangi kamej, ne mani suangi kamej ma. Harigi guma the harigi buna thuen mani suangi kamej ga phevarga tuktigi fhuvara. Harigi guma the khan suanga fhu, “Nza mba mani suangi kamej zin ngirga fhu.”

¹⁶ Fhum Fhe Bakime khan suangi, bigina vhuun zumgum hirga. Ana mba suambarar Abraham gu nziga muungi. Fhe Bakime buni vhuuin ki gap khan suangi fhuvara, “Ndun nzigi.” Fhuvara. Ana nzigi vhirve ga suangi fhuvara. Ana ana nziga bavira suangi. Ana mba nziga bavira nzuav khan suangi, “Ndun nzik”, mba nzik ana Krai ma. ^b

¹⁷ Gu nzuai kama nienj khan muungi. Fhe Bakime ana fharav Abraham phorgap mba kamej suangi. Ana mba kamej ana suangim, 430 mpari vov vhezgim, zumgum Moses suangi tivi higi. Mba Moses suangi tivi, nta zi guarara higi, nta Fhe Bakime suangi kamej ga vhararga tuktigi fhuvara. Nta vhira Fhe Bakime fhum suangi kamej vhezgirga tuktigi fhuvara.

3:16 Stt 12.3; 12.7; FG 7.5; 17.7; 1 Ko 12.12 ^b **3:16** Por mba nzuai kamej, ne farigi gap Stat 13.15 ki. Mba kamej vhira Stat 15.18 ki, vhira 17.8 ki. Ndu tor kaman mba bunivenj ganinga, nta Por suangi buni fara muungi fhuvara. Zakira fhuvara! Mba buni khan muungi, “Mba buni nta zumgum ndun tarir hirga.” Por kha ndikndiga mbui, Krai, ana mba Fhe Bakime fhum Abrahama suangi kam ma. Ana Hibruinj kaman mba kamej gangiap ne khergi. Mbe Hibruinj, mben kaman nzuai buni, nta manej harigi khesharigi. Maan muungiap, nza tor kaman mba buni nza tuituigip nta dorgirga tuktigi fhuvara. **3:17** Kis 12.40; Ro 4.13-14; Ga 3.21

18 Nza maan muungip, Fhe Bakime nzan niin zav nzan mbuigi bigi, nza Moses suangi tivi zin ngip, nta ndirga. Nza mba Fhe Bakime niin zav nza suangi tuavar mba bigi ndi fhuvara. Nza khuen mbugu kangiri, Fhe Bakime mba bigir Abrahaman niin za suangiap, ana maamgiap, ana ndiii.

19 Maan muungiap, than nzuav Moses suangi tivi ki? Ne khan muungi, Fhe Bakime khuen vuzvugi, ana mba tivi mbatigi niinge ndi kira khingir za mbui. Ana maan muungiap mba buni suangia thugap, ana zumgum mba tivir Moses ga niingim, ana nta bun suangi. Ana khuen vuzvugi, ana mba Moses ga suangi tivi nta kirim, ana nzik higirga. Mba nzik, ana fhum mba bigir ana niin zav suangi. Fhe Bakime, ana mba tivir wo enseri ga niingim, mbe ntan nza rigira ki guma mbe niingi. Mba nza rigira ki guma, ana ntan nza niingi.

20 Maan muungip, guma the, ana nduara buna thuen suan sanv, ana mba bunen rigira ki guma ga suangirga fhu. Fhe Bakime, ana nduara, kha bunen Abraham ga suangi.

Moses suangi tivi, nta nza gari ndia ma. Nta nza garav, nzan kov, Krai han vui.

21 Gu khan suan za mbui thi? Moses suangi tivi, nta Fhe Bakime fhum suangi bunin pana gumgi thi? Zakira fhuvara! Maan muungip, Fhe Bakime nza niingi tiva thuen zazera mbara muungiap ki biinbiin nzan ndii kake, nza maan muungip Moses suangi tivi zin vuim, Fhe Bakime tivir vhuuijan mbui gumgi gu mbigir nzan kae.

3:18 Ro 4.14; 8.17; 11.6 **3:19** Lo 5.5; 5.22-27; Zo 1.17; FG 7.38; 7.53; Ro 5.20; Hi 2.2 **3:20** Ro 3.29-30 **3:21** Ro 8.2-4

²² Fhe Bakime buni vhuuinj ki gap khan nzuai, “Tivi mbatigi za kha nuianan ki gumgi gu mbigi kegi.” Fhe Bakime fhura mba tiva garim, mba tiv higi. Nza maan muungip guigira Zisas Krai kothigi gumgi gu mbigi, nza ana kothigi ne suanv Fhe Bakime mba nin za suangi bigin, ana anan nzan ninga.

²³ Nza guigira Zisas Krai kothigi tiv ntigar hinga, Moses suangi tivi, nta fhum nza kegin, nza nta binan ki. Nza nta binan kav kim, Zisas Krai kothigi tiv za nzan han kirar higi.

²⁴ Moses suangi tivi, nta nza gari ndia ma. Nta nzan kov, Krai han vui. Nta nza garav kim, Zisas higi. Nta maan nza mbuav kim, nza guigira Zisas kothigirga, Fhe Bakime tivir vhuuianj mbui gumgi gu mbigir nzan kaminga.

²⁵ Nza ntigem Zisas Krai kothigi tuk higim, nza guigira ana kothigap, nza wom ntan piin kim, nta nza gari fhuvara.

Nza guigira Zisas Krai kothigap, ana zin vov, nza Fhe Bakimen tari ki.

²⁶ Nde zam guigira Krai Zisas kothigi, nde mba tiva mbuav, nde Fhe Bakimen tari ki.

²⁷ Nde guigira Zisas Krai kothigap ana zin panan ruagi gumgi gu mbigi, nde Krai ndigap, nde Krai mbui tivi zin vov, nde Krai fara muungiap ki.

²⁸ Nde Krai ndigi ntiri, nde Zudain, nde Grikinj, nde njaara gumgi, nde fhura kav bikbigi gumgi,

3:22 Ro 3.9-19; 3.23; 4.11-12; 4.16; 11.32 **3:23** Ga 4.3 **3:24**
 FG 13.39; Ro 10.4; Ga 2.16; Kor 2.17; Hi 9.9-10 **3:26** Zo 1.12; Ro
 8.14-16; 1 Zo 3.1-2 **3:27** Ro 6.3; 13.14 **3:28** Zo 10.16; Ro 10.12-13;
 1 Ko 12.13; Ef 2.14; Kor 3.11

nde gumgi, nde mbigi, nde zam Krais Zisasan, nde wari tigap Fhe Bakime niman tuga bavira ki.

²⁹ Nde Krais Zisasan gumgi gu mbigi kirga, nde vhira Abrahaman tari ma. Ndera mba Fhe Bakime fhum Abrahaman nin za suangi bigina ndirga.

4

Krais muunji naara panan, nza naara gumgi nza Fhe Bakimen tari ma.

¹ Na buni khan muunji. Ndia ana tara bavira ki, mba tar ana zumgum won ndia bigi ndirga. Ana bigi, nta anan tara bigi ma. Anan kam, ana guma ruma muunji fhu. Ana guman kamara kav, ana won ndia naara guma fara muunjiap ki.

² Ana won ndegi ntogi gum won gumgi ruu, ana mben piin ki. Ana mbara muunjiap kirim, ana ndia ana sarigi tugar higirga.

³ Nza vhira mbara muunji. Nza fhum tarire fara muunjiap kav, nza Fhe Bakime buna vhuuen kanji fhu. Nza fhura mba buip gu nuiana gari njiningi gu bigir naara gumgi ki.

⁴ Nza kav kim, Fhe Bakime wo sarigi tugara, ana won Kama sarigim, ana zergi. Ana kha nuianan mbik ana tegim, ana Moses suangi tivir piin ki.

⁵ Ana taagip, nza Moses suangi tivi piin ki gumgi gu mbigi, ana nza vhezi zav zergi. Ana maan nzan muunjiap, nza Fhe Bakimen tari kirga.

⁶ Nde ntigem, Fhe Bakimen tari guari ki. Maan muunjiap, Fhe Bakimen Nina Naar, ana vhira ana

3:29 Ro 4.13; 9.7; Ga 4.7; 4.28; 5.1; Ef 3.6; Hi 11.18 **4:3** Ga 2.4; 3.23; Kor 2.20 **4:4** Stt 3.15; Mt 5.17; Ru 1.31; Zo 1.14; Ro 1.3; Ef 1.10; Hi 2.14 **4:5** Mt 20.28; Zo 1.12; Ga 3.13; Ef 1.5-7; 1 Pi 1.18-19
4:5 Ro 8.15-17 **4:6** Ro 5.5

Kaman vhen ki. Ana ana sarigim, ana zerav, nzan ndavi vherir kav, ana nza mbuim, nza kha kakaman Fhe Bakime mbui, “Dara.” a

⁷ Maan muunjiap nde njaara gumgi khini ki fhuvara. Fhe Bakime nde muunji, nde ana tari guari ma. Nde Fhe Bakimen tari ma, nde kanji, nde anan bigi vhuuin ndirga.

Por guigira Garesiaij ga nzuav ndav simgi.

⁸ Nde fhum Fhe Bakime kanji fhuv, nde fhura mba mbarivi gu tori njaara gumgi kav khan nzuai, “Mbe Fhe Bakime ma.” Fhuvara. Mbe Fhe Bakime fara muunji fhu.

⁹ Nde ntigem Fhe Bakime kanji, o gu khan muunji suanga, Fhe Bakime nde kanji. Maan muunjiap, nde than nzuav taagi ngip, mba nkasnka ki fhuv njiningi mbatigi, nde nta zin ngiv ntan njaara gumgi kirie?

¹⁰ Nde zazera kha ndikndigi ga mbui, nza Zudain rotui ga mbui tugi bakivi, gu kinin kam higi rotu bakivi, gu mpari nkave higi rotu bakivi ga mbui tivi, nza nta zin ngirga.

¹¹ Gu nde mbui tiva ndikndigap, gu guigira rivgi. Gu nde rigar ka muunji njaar, ana fhura mbar ngigirga.

¹² Nde Zisas kothigap ana zin vui gumgi, gu khan thigap havhargiap nden nzai, nde nan farar

a **4:6** Araman kam, ana Zisas nzuai kam ma. Mbe mba kaman mbe “Dara”, mbe kha zitir ana mbui, “Aba”. Maan muunjiap, Zisas Fhe Bakime phorga nzuai. Ana anan Ndia ma. Ana maan muunjiap, kha kakaman ana mbui, “Aba.” Mak 14.36 gani. **4:7** Ga 3.29 **4:8** Ro 1.25; 1 Ko 8.4-6; 12.2; Ef 2.11-12; 1 Te 4.5 **4:9** Ro 8.3; 1 Ko 8.3; Kor 2.20; Hi 7.18 **4:10** Ro 14.5; Kor 2.16

muunḡiri. Gu ndera fara muunḡi. Gu Moses suanḡi tiv, gu nta thagi. Nde bigin mbatik thuen na muunḡi fhuvara.

¹³ Nde kanḡi, gu mba rimrim na mbuim, gu fhara guarara mba Fhe Bakimen buna vhuueḡ bun nde suanḡi.

¹⁴ Na fhav ḡkasḡkagi fhu, gu maanḡ muunḡiap simtigar nde ndii. Nde ne nzuav kir na segi fhuvara. Nde vḡira na phorgiv kirgen vhukvhugi fhuvara. Zakira fhuvara! Nde na ndigap, Fhe Bakime enser mbe ndigi tivar na mbui. Nde vḡira Zisas Kraiss ndigi tivar na muunḡi.

¹⁵ Nde mba tugar, nde guigira nan ndikndigap tivar vhuunra na muunḡi. Mba tiv ntige maanḡ ki? Gu guigira khar nzuai, nde mba tugar, nde guigira nan kurkurar zav vuzvuk bakime kegi. Nde maanḡ muunḡip wari wo rimḡi siav, na ndii kake, nde nta sigap, na niḡḡe.

¹⁶ Ee, ram muunḡi? Gu fhara guarara buna vhuunḡ guarenra bun nde suanḡim, mba bunenḡ na muunḡim, gu nden pana guma kire?

¹⁷ Nde mbarara! Mba khanḡ tigap havhargiap nde raanḡ shav nde nzuai gumḡi, mbe nden kurkurarga ndikndiḡi ki fhuvara. Zakira fhuvara! Mbe warira kurkurar zav nde biri.

¹⁸ Nza harigi ntirir kurkurar zav ndikndik havhargi, ne nzerara. Nde zazera mba tivar muunḡri, nde gu nde phorga kim, nde nan sugup, mba tivar mben muunḡ thari, nde zazera mba tivar mben muunḡri. b

4:13 1 Ko 2.3; 2 Ko 11.30; 12.7-9 **4:16** Amo 5.10; Ga 2.5; 2.14

b 4:18 Khanḡ Grikar kaman kha kameḡ tuituigiap hiḡi fhuvara.

19 Nde nan tari, gu taagia mbik tara tir zav zaa ndi fara muunji zaa ndi. Gu khan muunjiap, gu khuen vuzvugi, nde guigira Fhe Bakimen tari kiv, nde Kraistra farar muunji.

20 Gu nden kora muunji. Gu ntige nde phorga ki fhuvara. Gu maan muunjiap, nde phorgi kirga, gu buni vhuunji tharirer nde suanga. Gu guigira nden kora muunji, gu kanji fhu, gu ram mbui tivar muunjiap nden kurarie?

Hagar gu Sara vhunama si kamej.

21 Nde Moses suanji tivi piin kir za mbui gumgi, nde ntige na suan. Nde tuituigiap Fhe Bakime buni vhuunji kanji fhuv thi?

22 Fhe Bakime buni vhuunji ki gap khan nzuai, Abraham kama phunini ki. Fhura ana njara khina mbui mbik Hagar, ana mbe tegi, anan muunji girgir Sara, ana mbe tegi.

23 Mba njara khina mbui mbik tegi kam, ana nza gumgi gu mbigi nza wari ga rigap tari ti tiva muunjiap higi. Mba ana muunji girgir Sara tegi kam, ana Fhe Bakime fhum khan Abraham ga suanji, “Ndun muunji girgir Sara, ana ndu gon kama tegirga.” Mba tar mba kamej zin vugap higi.

24 Mani vhunama si kamej ki, mba kamej mani nengi bunin vhen ki. Mba mbigani, mani Fhe Bakime suanji kama mpuani zin vugi. Hagar, ana Sainai mbikshima suanji kamej zin vugap, won njaa tegim, mbe fhura njara gumgi khini ki.

25 Hagar, ana Sainai mbikshima nzuai. Mba mbikshim, ana Arabian mbikshim ma. Ana vhora

ntige mbur ki Zerusarema nzuai. Ntigem mba Zerusareman anan ki gumgi gu mbigi, mbe fhura ŋaara gumgi khini ma.

²⁶ Harigi Zerusarem ana Hevenan ki. Mba Zerusareman ki tari, mbe ŋaara gumgir khini fhuvava. Mba Zerusarem, ana nzan niamuun fara muunġi. ^C

²⁷ Fhe Bakimen buni vhuuin ki gap khañ nzuai, “Ndu mbiga mbatigage, ndu khura ti, ndu ne suanv ndikndigiri. Ndu tara tav, ana zaa mbararagi fhuv mbik, ndu ndav mbirav kiri. Ndu ŋgavar muunv, ndikndigip, simiri, ne khañ muunġi. Ndu guigira tari vhirve guarira tegirga. Ndu mana tigem, ndun man ndu thagi mbik, ndu tirga tari, nta guigira mba mana tigura ki mbigar tari kamarav guigira horgirga.”

²⁸ Nde guigira Zisas khotigap ana zin vui gumgi, nde Aisak farar muunġi. Fhe Bakime suanġi kameñ zin vov, nde ana tari ma.

²⁹ Mba gumgi gu mbigi, mbe wari ga rigap tari ti tuavar higi tar, ana mba Fhe Bakimen Nina Naar Abrahama suanġim, Sara ana gon tegi tar, ana tiva mbatigar ana muunġi. Ntige vħira, mba tiv, ana mbara muunġiap ki.

³⁰ Fhe Bakime buni vhuuin ki gap ram nzuai? Ana khañ nzuai, “Nde mba ŋaara khina mbui mbik won kaman kov, nde mani ga vharari. Mba ŋaara

4:26 Hi 12.22; VB 3.12; 21.2; 21.10 ^C **4:26** Ves 22 Por kha zitir Sara ga muunġi, “Bikbiġiap ki mbik.” Kha vħunama si bunai, Sara ana Fhe Bakime suanġi kameñ ma. Ana kam Aisak, ana mba guigira Zisas khotigip gumgi ma. Ndu ves 28 ganiri. **4:27** Ais 54.1 **4:28** FG 3.25; Ro 9.7-8; Ga 3.29 **4:29** Stt 21.9; Ga 5.11; 6.12 **4:30** Stt 21.10; Zo 8.35

khina mbui mbik tegi tar, ana won ndia gu anan kama girgir, ana manin bigir figa thuen ndigirga fhu.”

³¹ Nde Zisas kothigap ana zin vui gumgi, nde kanji, nza mba njaara khina mbui mbiga tegi tari fhuvara. Zakira fhuvara! Nza Abrahaman muun girgir tegi tari ma.

Krais, ana nza muungim, nza bikbigim, Fhe Bakimen Nina Naar nzan kurkurav, ndikndigar nza ndim, nza tivar vhuun harigi gumgi ga mbui.

5

Nza guigira bikbigip kiri.

¹ Krais nza muungim, nza bikbigiap, nza wom Moses suanji tivi piin kirga fhu. Maan muungiap, nde thigi havhargip kiri. Nde fhura mba gumgi ganirim, mbe nden muunrim, nde fhura mben njaara gumgir khini ki thari.

² Nde mbarara! Gu Por, gu nde nzuai. Nde fhura mbe ganirim, mbe nden foongirga, Krais nde nzuav muunji njaar, ana thanen nden kurarga tukti fhuvara. Zakira fhuvara!

³ Nde fhura mbe garim, mba nden foongji gumgi, gu taagia buna thuen nde suan za mbui. Nde mba tiva muunji, nde vhira mba Moses suanji tivi, nde zam nta zin ngiri.

4 Nde maan muungip, Moses suangi tivi zin ngirim, Fhe Bakime tivir vhuuan mbui gumgi gu mbigir nden kamin za mbui, nde Kraiis thagi ntiri ma. Nde Kraiis thav, nde Fhe Bakimen kora muumbar, nde vhira ana thagi.

5 Nza Fhe Bakimen Nina Naarar nkasnkar panan, nza guigira Fhe Bakime kothigap, ana tivir vhuuan mbui gumgir nzan kamingen rarga ki.

6 Guma maan muungip, Kraiis Zisas phorgip kirga, mba fooi tiv, ana fhura ki tiv ma. Mba gumgi warir fooi fhuv ne, ne vhira fhura ki ne ma. Kha tiv, guma guigira Kraiis kothigap, ana guigira won davar harigi gumgi ga ndii, mba tiv ana guigira tiva guar ma.

7 Nde fhum, nde nzerara Kraiis tuava ruigi. Nde ntigem, the nde tuav mpirigim, nde wom mba buni guari, nde nta zin vui fhu?

8 Nde ntigem, mba zin vui ndikndigi, nta nden kamgi Fhe Bakime han kega zigi fhuvara.

9 Nde ndikndigi, nde mba is bisanera ndi khingip, mba viktuman muungirga, mba is bisanera, nera mba viktuman muungirim, ana kivgirga.

10 Gu khuen kothigi, Guma Bakime nden kurarga, nde na ndikndik zin ngirga. Nde nan ndikndiga zin ngiv, nde harigi ndikndiga suirarga fhu. Gu kangi fhuvara, the nde ndikndigi ngi. Ne mbara muun, mba guma, ana wo muungi tiva mbatigen suanv, Fhe Bakime vheza mbatigar anan niinga.

5:4 Ro 9.31-32; Hi 12.15 5:5 Ro 8.24-25; 2 T 4.8 5:6 1 Ko 7.19; Ga 6.15; Kor 3.11; Ze 2.18-22 5:7 1 Ko 9.24; Ga 1.6; 3.1 5:9 1 Ko 5.6; 15.33 5:10 2 Ko 2.3; 8.22; 10.6; 11.15; Ga 1.7

11 Nde nan phorgav Zisas khothigap ana zin vui gumgi, gu maan muungip, gumgir foon sanv nde suanvra kirga, mbe than suanv tiva mbatigar nan muunrie? Gu maan muungip khan suanga, nde gumgir foonri, gu maan suanga Zisas ringi khanararen kamen ne wom gumgir ndikndigir farfarga fhu.

12 Mba nde ndikndigi ngi gumgi, mbe khan tiga havhargiap warir fhavi ndirar fooi ne nzuav havhargi. Gu ne vuzvugi, mbe nduarira warir foonv, mbe vhira za wari wo fhavi ndira, mbe zam nta gori suegiri.

13 Nde nan phorgav Zisas khothigap ana zin vui gumgi, Fhe Bakime nden kamgi, nde bikbigip kiri. Nde bikbigi, kiv khuen ndikndigi thari, “Nza ntige bikbigi, nza wari won ndava vhura tivi zin ngirga.” Zakira fhuvara! Nde mba ndikndigar muun thari. Nde bevbevira, nde Fhe Bakimen gumgi gu mbigi, nde fhura mben naara gumgi kiv, nde wari won ndavir mben ningiri.

14 Mba Moses suangi tivi, nta zam mba kama buenra vhen ki. Mba kamen khan nzuai, “Nde warira vuzvugi tivara, nde wari won ndavir wari wo kaa gumgi ningiri.”

15 Nde maan muungip, nde nduarira fani gum fugir wari ga romrogip kirga, nde riviri. Nde muunv kiv, nde wari tigira fhirgiregirga.

Fhe Bakimen Nina Naarar tivi, guman ndava vurar tivi.

16 Na buni khaŋ muuŋgi, nde fhura Fhe Bakimen Njina Njara ganirim, ana nden ruru tivi gu bigi ganiri. Nde maan muunga, nde ndava vura vuzvuga zin ngirga fhu.

17 Nza khueŋ kaŋgi, nzan ndava vur, ana Fhe Bakimen Njina Njara mbevi za mbuim, Fhe Bakimen Njinan Njaar, ana nzan ndava vurar mbevir za mbui. Fhe Bakime Njina Njaar, ana nzan ndava vurar pana guma ma. Ana nzan kurarga, nza ndava vurar tivi zin ngirga fhu.

18 Nde maan muuŋgiap Fhe Bakimen Njina Njara zin vui, nde Moses suaŋgi tivi, nde nta piin ki fhu.

19-21 Nde ndava vurar tivi, nde nta kaŋgi. Nta kha khesharigi tivi ma. Ruarir gumgi gu mbigi wari ndi, tivi mbatigi ga mbui, ndavi khavav tivi mbatigi ga mbui, gumgi mbarivi gu tori rotu mbui, mbarkirga kugi gu mbara ga mbui, panan gumgi ga ki, ndav shi, vhegi, harigi gumgi ndav shi, harigi gumgi bigi niihi, nde warira ndikndigi tivi, ntari ga mbuav, wari shiga sui tivi, harigi gumgi mbe nzerara kim, mbe nzuav ndav zigzigi tiv, pharar nanjani pav, fhura ferferi, fhura tuava pura rui, kha khesharigi tivi ma. Gu fhum mba bunin nde suaŋgiap, gu ntigem wom mba bunira nde nzuai. Mba khesharigi tivi ga mbui gumgi, mbe Fhe Bakime wo gumgi gu mbigi garim, mbe ana piin ki ngun vhen ngirgirga tuktigi fhuvara.

22-23 Fhe Bakimen Njina Njaar nzan ndavi dorgap,

5:16 Ro 6.12; 8.4; 13.14; Ga 5.25; 1 Pi 2.11 **5:17** Ro 7.15-23; 8.6-7; 1 Pi 2.11 **5:18** Ro 6.14; 8.2; 8.14 **5:19-21** 1 Ko 3.3; 6.9-10; Ef 5.3; Kor 3.5; Ze 3.14-15 **5:19-21** 1 Ko 6.9; Ef 5.5; Kor 3.6; VB 22.15
5:22-23 1 Ko 13.7; Ef 5.9; Kor 3.12; Ze 3.17 **5:22-23** 1 T 1.9

nzan kurkurigim, nza tivir vhuuian mbui. Mba tivi khare, guigira harigi gumgi ndavar mbe ndii tiv, ndikndigi tiv, ndava mitigar ki tiv, vhemkora ndav shi fhuv tiv, tivar vhuuan mbuav, harigi gumgir kurkurigi tiv, mba tiva mbuav nzerara kav, kha nuianan nzerara rui. Ana ruav, mbarara kav, won ndava vura tivi, ndu nta mbevi. Kha khesharigi tivi, nta thivir kama thuenj ki fhuvara.

²⁴ Krai zin vui gumgi gu mbigi, mbe won ndava vhura vuzvugi, mbe nta ndiav, mba bigi garav, nta niihi vuzvuga mbatik, mbe nta ndiav, Zisas Krai phorgav khanararenj ga tigap fugim, mba vuzvugi vhezgi.

²⁵ Fhe Bakimen Nina Naar ana zazera mbara muungiap ki binjin nza niingi. Nza vhira ndava vura tivi thagi. Nza maanj muungiap, nza fhura Fhe Bakimen Nina Naara ganirim, ana ndikndigar nzan niinrim, nza ana vuzvugar kha nuianan kiv, ana vuzvugar ruri.

²⁶ Nza fhura nduarira wari wo ziri ndi vun kuamkuarga fhu. Nza vhira harigi ntiri ndavi ga sirga fhu. Nza vhira harigi ntiri bigi ganiv, nta nihirga fhu.

6

Ndu ram mbui khesharigi mbar pargi, ndu mba mbara ndirga.

¹ Nde na phorgap guigira Zisas kothigap ana zin vui gumgi, nde maanj muungip guma the ganirim, ana tiva mbatik thuenj muungirim, nde

5:24 Ro 6.6; 13.4; Kor 3.5; 1 Pi 2.11 **5:25** Ro 8.4-5; Ga 5.16 **5:26**
 Fi 2.3 **6:1** Mt 18.15; 1 Ko 2.15; 4.21; 7.5; 2 T 2.25; Hi 12.13; Ze 5.19

Fhe Bakimen Nina Njaar nde garim, nde ana vuzvuga zin vui gumgi, nde mbarara mba guma phorgiv suany, ana mbui tiva mbatigen ndi thigar mbarari. Nde maany muuny, nde vhira tuituigira wari ganiri. Nde muuny kirim, Satan nden mpararim, nde vhira regip, tivi mbatigir muungirga.

² Nde vhira harigi gumgir kurav mben simtigi ndiri. Nde mba tivar muunga, nde guigira Krai suanyi tiva zin ngirga.

³ Nden rigar guma the maany muungip khang suanga, “Gu zi bakime ki guma ma.” Fhuvara, ana zi ki guma fhuvara, ana maam wora shishigi.

⁴ Nde gumgi zam, nde wari wo mbui tivi gu njaarira ganiri, nta nzerara o, fhu. Mba khesharigi tivi ga mbui gumgi, mbe won tivir ndikndigiri.

⁵ Ne khang muungi, nza gumgi bevbvira nza zam nza wari wo mbui njaarir simtiga ndirga.

⁶ Guma ana harigi guma Fhe Bakime buni vhuuin ana khivi, mba guma ana won bigi vhuuin tharir mba Fhe Bakime buni vhuuin ana khivi guman niingiri.

⁷ Nde muuny kiv, nde warira guiguigip, nde kha ndikndigar muunga, nza Fhe Bakime nifhi darga. Nde maany muungirga tuktigi fhu. Zakira fhuvara! Nde ramgi khesharigi mbar pargi, mba mbara nden minin hegirga.

⁸ Guma the maany muungip won ndava vura vuzvugi zin ngirga, anan ndava vura vuzvugi, nta

6:2 Zo 13.14-15; Ro 15.1; 1 Te 5.14; 1 Zo 4.21 **6:3** Ro 12.3; 1 Ko 8.2; 2 Ko 3.5 **6:4** 1 Ko 11.28; 2 Ko 13.5 **6:5** Ro 2.6; 14.12; 1 Ko 3.8 **6:6** Ro 15.27; 1 Ko 9.11; 9.14 **6:7** Jop 13.9; Ru 16.25; Ro 2.6; 1 Ko 6.9 **6:8** Hos 8.7; 10.12; Zo 3.6; 6.63; Ro 8.13; Ze 3.18

mba mbatigi tirga. Mba guma, ana guigira za mbatigirga. Ana maan muungip Fhe Bakimen Nina Naarar tivi zin ngirga, Fhe Bakimen Nina Naar zazera mbara muungiap ki biin anan niingirga.

⁹ Maan muungiap, nza tivar vhuun muungen vhukvhugi thari. Nza tivar vhuun muungen vhukvhugirga fhu, nza zumgum mba ndirga tuk higirga, nza mban vhuuin guarira ndirga.

¹⁰ Maan muungiap nza tivar vhuun harigi ntiri muunga tuk ki, nza tivar vhuun mben muunga. Nza maan muunv, nza khan tigip havhargip, mba guigira Zisas kothigap ana zin vui gumgi gu mbigi, nza tivir vhuuinra mben muunga.

Por Krais rimgi khanararen ndikndigi.

¹¹ Kha kamen, gu nduara ne khergi. Nde gu kha kamen khergi nkeeri bakivi gani. ^a

¹² Nde mbarara. Mba nden foon zav kha tiga havhargi gumgi, mbe khuen nzuav, mbe harigi gumgi niman mbe zi bakivi ndir zav maan mbui. Mbe khuen ndikndigap rivgi. Mba Zudain muunv kiv, mbe nza Krais rimgi khanararen kothigap, nza foori tiva zin vui fhu, mbe ne mbararagi, ne nzerigi fhu. Mbe ne mbararagirga, mbe tiva mbatigar nzan muunga.

¹³ Mba Zudain mbui tiva zin vov warir foongi gumgi, mbe nduarira mbe Moses suangi tivi, mbe tuituigiap nta zin vui fhuvara. Mbe maan muunv, mbe wari wo ziri ndiv vun kuamkuarga.

¹⁴ Gu wo zi ndi vun kuarga tuktiigi fhu. Gu

6:9 1 Ko 15.58; 2 Te 3.13; Hi 3.6; 3.14; VB 2.10 **6:10** Ef 2.19; 1 Te 5.15; 1 T 6.18; Hi 3.6 ^a **6:11** Ndu 1 Korin 16.21 ganiri. **6:12** Ga 2.3; 2.14; 5.11; Fi 3.18 **6:14** Ro 2.29; 6.6; 1 Ko 1.31; 2.2; Fi 3.3; 3.7-8

vhira, guma the zi ndi vun kuarga fhu. Zakira fhuvara! Gu Zisas Kraiss zira ndi vun kuamkuarga. Nza Bakime Zisas Kraiss khanararen ringim, gu guigira nen ndikndigi. Zisas Kraiss khanararen muunji njaarak panan, kha nuianan tivi nan ndikndigar vhezgim, gu kha ndikndiga mbui. Gu nduara ana phorgap mbu khanararen ga ntorgap ringiap, gu wom kha nuiana tivi zin vui fhu.

¹⁵ Ntigem, foori tiv, ana fhura ki tiv ma, vhira foori fhuv ne, ne vhira fhura ki tiven ma. Nza ndava vura tivi thav, nza Fhe Bakime Nina Njaar vuzvugi zin vui, ne guigira bigina guaren ma.

¹⁶ Mba ndikndik suirav, ana zin vui gumgi gu mbigi, Fhe Bakime mben korar muunrim, mbe ndavi mbirav wari kiri. Mba khesharigi gumgi gu mbigi, mbe guigira Fhe Bakimen Isreren guari ma.

¹⁷ Gu guma the harigi simtiga thuen phorgiv nan ningen, gu ne thagi. Gumgi mbari, mbe na shogim, mba nzuu pira na fhavar ki. Mba nzuu pira khar muunji, gu guigira Kraissan njaara guma guar ma.

¹⁸ Nde na phorgap guigira Zisas Kraiss khotigap ana zin vui gumgi gu mbigi, nzan Guma Bakime Zisas Kraissan korar muumbar nde phorgip kiri. Guigi guarara. Zam.

Fhe Bakimen Kaman Kamen Kire New Testament

copyright © 2001-2004 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468